



一件窩心事  
中電服務助小店  
傳承人情味

植根於社區嘅民生小店除咗滿足街坊生活上嘅大小需求外，仲為社區帶來更多人情味。就好似細陳生子承父業接手嘅洗衣舖咁，成班街坊都對小店傳續表示支持同埋欣慰。

但其實係現今社會要經營小店，細陳生要面對嘅問題一啲都唔少——既要更換洗衣舖內嘅「架生」，更要用有限嘅資金嚟改善小店嘅運作。

當細陳生就店舖嘅電力賬戶轉名問題聯絡中電客戶服務嗰陣，同事除咗熱心教導細陳生處理轉名手續，同使用自動轉賬繳費之外，仲介紹咗中電節能資助計劃，以及專為中小企而設嘅銀行開戶優惠，為細陳生減輕營運壓力。

中電多年嚟一直以服務傳遞對社區嘅關愛，無論係大企業抑或小商戶，我哋都用心聆聽每一位嘅需要！



慳電要夠「膽」  
精明買燈膽手冊

好多人買燈膽嗰陣，都會選擇比較慳電嘅款式。但咁多款，邊一款先啱自己？要搵出最啱心水嘅慳電燈膽，就要認識呢幾組英文字：LM、W、K、hrs。

首先，睇LM同W判斷光效：光效係指每度電可以產生多少光，光效愈高，就等於愈慳電。

要知光效有幾高，最緊要係睇佢嘅流明值（LM）同瓦特（W）。流明數值愈高，代表燈膽愈光；瓦特數值愈低，即用嘅電就愈少。當兩款燈膽流明數值一致，瓦特較低嘅一款就係光效高、較慳電嘅一款。

然後睇K判斷色溫：K數值就係燈膽發出嘅顏色，低數值會偏黃，高數值就偏白，揀到啱心水嘅燈膽就唔使成日換嚟換去，減少浪費啦，譬如係廚房一般比較適合3500K-4000K嘅燈膽，客廳則用2700K-3000K。

最後睇hrs判斷壽命：hrs就係燈膽嘅預計壽命，一般燈膽壽命由15,000-25,000小時不等。大家選擇燈膽嗰陣記得比較埋hrs數值，選擇壽命較長嘅款式，減少換燈膽頻率，咁就更加環保啦！



支持  
可再生能源證書  
綠色生活多1點  
100% LOCAL & GREEN


#REPedia 乜嘢係可再生能源證書？

香港常見用於發電嘅可再生能源包括太陽能發電、風力發力、水力發電以及廢物轉化能源發電等等。為咗達到2050碳中和目標，同埋令下一代可以喺低碳環境下生活，你又知唔知有咩方法可以支持可再生能源發展？

其實大家可以認購中電「可再生能源證書」，就可以為本地可再生資源嘅發展出一份力，從源頭開始減少碳足跡！證書上標示嘅每一度電，都係由太陽能、風能及堆填沼氣項目呢類再生能源產生，亦由中電百分百係本地生產或購入。

想支持可再生資源嘅發展，可以到「度度賞」網購平台，或填妥表格，認購中電「可再生能源證書」，揀你想購買嘅可再生資源電量度數\*，完成認購後，你將會收到由中電發出嘅電子證書。

\*現時每度電為港幣0.5元，最低認購數量為100度可再生資源電量。



海底「蠔」宅  
為海洋生物打造  
五星級的家

香港水域近月出現咗一款新式「蠔」宅，除咗擁有360度全海景，更免費開放入住？係咪好好奇講緊邊度呢？

原來係由香港城市大學梁美儀教授團隊，透過由中電、港燈同香港液化天然氣接收站有限公司成立嘅「海洋保育提升資助計劃」資助而搭建嘅蠔礁！團隊先係流浮山收集6,000公斤蠔殼，經曬乾後再喺南丫島深灣搭建蠔礁，為海洋生物打造全新嘅天然居所，令佢哋有依附、躲藏、產卵及育幼嘅空間（見圖）。

「新居入伙」短短一年，已有接近150種海洋生物「入住」，包括珍貴可愛嘅海馬、魚、蝦、蟹、珊瑚、海葵等，仲有墨魚同魷魚嘅度生BB㗎！比起相同海域嘅其他地點，喺呢度嘅生物品種足足多出70倍！

「海洋保育提升資助計劃」除咗資助呢個海底「蠔」宅項目，仲資助咗好多唔同類型嘅海洋保育項目，例如係白泥清走嘅外來物種同垃圾、喺香港西面水域種植海草床畀海洋生物居住等等。



用中電App申請供電或賬戶轉名  
3步好易「搬」

Q 嚟緊我就快搬屋，但返工太忙，無時間落門市辦理手續，點樣又快又方便咁申請供電同埋轉名呢？

A 你可以選擇用中電App申請供電或賬戶轉名，相關手續好簡單，只需3個步驟，清楚填妥同呈交資料就得：

1. 填寫單位嘅完整地址；
2. 呈交個人資料，包括身份證明文件、買賣合約、租約副本等。如果係家人轉名，則可用前期賬單作為證明；
3. 揀選電力生效/轉名生效日期。

當你提交網上申請後，你將喺當日收到確認嘅短訊通知。如果你選擇稍後提交文件，我們會喺下一個工作日發送提醒短訊，記得用中電App上載文件。在確認申請後，你會收到申請確認短訊通知㗎。

用中電App申請供電或轉名唔單止可以慳返親身排隊辦理或電話等待嘅時間，仲可以賺取500度度分，喺我哋嘅度度賞網購平台換領獎賞或其他限時禮物。